

ԵՐԿՈՒ ԽՈՍՔ

Բոլորում է Սովետական Հայաստանի 40 տարին՝ հայ ժողովրդի ազատագրության պանծալի քառասունամյակը: Դարերի խորքից եկող հայ ժողովուրդը իր պատմական վայնքի ընթացքում ենթարկվել է նվաճողների դաժան բարբարոսություններին, արտաքին և ներքին կեղեքողների հրեշավոր հարստահարումներին: Եվ, սակայն, դիմացել է ամեն տեսակ արհավիրքների, դիմացել ու չի դադարել երբեք կուլտուրական արժեքներ ստեղծելուց, չի մոռացել իր լեզուն ամենածանր ճնշումների տակ անդամ, դիմացել է ու հասել Հոկտեմբերյան Սոցիալիստական Մեծ ռևոլյուցիայի դարին և (ենինյան մեծ պարտիայի ժրագրով ու կամքով ստացել իր վերջնական ազատագրումը: Փարվելով Սովետական իշխանությանը, հավատով, վստահությամբ ու սիրով մտնելով Սովետական Միության ժողովուրդների մեծ ընտանիքի մեջ, սովետական դրոշի տակ ապրելով տնտեսական և քաղաքական ապահով պայմաններում՝ մեր ժողովուրդը ծավալել է իր ընդունակությունները և նվիրված աշխատել սոցիալիզմի կառուցման համար: Սովետական ջերմ արևի տակ փթթել է նա, ծաղկել են նրա ընդունակությունները, վայն ծավալ են ստացել նրա կարողությունները, և սոցիալիստական տնտեսական ու կուլտուրական շինարարության մեջ գրավել է նա իր պատվավոր տեղը: Այժմ, երբ Սովետական Միության ժողովուրդները ոտք են դրել կոմունիզմի շինարարության փուլը և Կոմունիստական պարտիայի ու Սովետական կառավարության իմաստուն ղեկավարությամբ լայն ճակատով սկսել են կերտել կոմունիզմի հոյակապ շենքը, հայ ժողովուրդը ևս իր նվիրված մասնակցությունն է բերում այդ համամարդկային հոյակապ գործին:

Ինչպես ինքը հայ ժողովուրդը կենտրոնանում է իր ծաղկող հայրենիքում, այնպես էլ նրա կուլտուրան ու գիտությունը կենտրո-

նանում են հայրենի հողի վրա: Հայագիտութունը, որը նախքան
 Հոկտեմբերյան Սոցիալիստական Մեծ ռեւոլյուցիան շոճեր իր հայ-
 րենի հողը և, ի պատիվ գիտության ժրաշան մշակների, զարգանում
 էր Մոսկվայում, Պետերբուրգում, Բեռլինում, Լայպցիգում, Փարի-
 զում, Լոնդոնում և այլուր, 40 տարի առաջ արմատներ գցեց իր հայ-
 րենի հողի մեջ: Սովետական գիտնականների ձեռքով այժմ ծաղ-
 կում է ու զարգանում հայրենի հողի վրա, սովետական հողի վրա:
 Ժողովածվում տպագրված նյութերից ընթերցողին հայտնի կդառնա
 այն մեծ ծավալը, որ ստացել է ի շարս մյուսների հայագիտության
 ճյուղերից մեկը՝ հայ լեզվաբանութունը Սովետական Հայաստա-
 նում: Լեզվաբանների հին սերնդի անվանի ներկայացուցիչներ՝
 Հ. Աճառյանը, Մ. Աբեղյանը, Ս. Մալխասյանցը, Գ. Ղափանցյանը
 ծավալեցին փրենց գիտական գործունեութունը այս անցած 40-ամ-
 յակի ընթացքում, և կնքեցին իրենց մահկանացուն հայրենի հողում՝
 հարուստ ժառանգութուն թողնելով լեզվաբանների սովետական սե-
 րընդին: Այդ նույն նյութերից պարզ կդառնա, թե ինչպես հայ լեզ-
 վաբանների սովետական սերունդը պատվավոր կերպով զուգակ-
 ցում է ստացած տրադիցիաներին սովետական նորույթը և լայն ճա-
 կատով ուսումնասիրում հայոց լեզվի, լեզվական ոճի և լեզվաբա-
 նության հարցերը: Այդ նյութերից կերևա հարցերի այն բազմազա-
 նությունը, որ հանդիսանում է լեզվաբանական մեր սերնդի, հատ-
 կապես երիտասարդ սերնդի, հետաքրքրության առարկան: Ժողո-
 վածվում գետնի վրա են մեծ մասամբ երիտասարդ լեզվաբանների
 աշխատությունները, որպեսզի երևա նաև մեր գիտության զարգաց-
 ման վաղվա օրը, միաժամանակ շատ համառոտ կերպով տրված են
 մեր 40-ամյա նվաճումները՝ ցույց տալու համար ավագ սերնդի աշ-
 խատանքների արդյունքները: Անցած քառասուն տարվա ընթացքում
 հայտնուն կերպով զարգացել ու զարգանում են հայ ժողովրդի տըն-
 տեսությունը, սոցիալիստական կուլտուրան, գիտությունը: Այդ
 շարքում ևս զարգացել, զարգանում է ու կզարգանա հայ լեզվաբա-
 նությունը: Դրա մեծագույն գրավականն է Լենինյան Կոմունիստա-
 կան պարտիայի և Սովետական իշխանության գորովալից խնամքը
 հայ ժողովրդի, նրա լեզվի ու կուլտուրայի նկատմամբ սովետական
 ժողովուրդների մեծ ընտանիքում: